

59811

欽定剿平三省邪匪方略

續編

一  
五  
五

卷之五

五

欽定剿平三省邪匪方略續編卷二十一

癸亥年

十一月初五日

丙申

額勒登保德楞泰奏言竊

臣

等由雙泉子大巴關一路督兵前進十六日行抵龍池場據楊遇春呈報十五日由九打杵一路探蹤追剿途次見有賊探十餘人當經兵勇上前追捕殲斃七人生擒二名訊據供稱賊夥現匿西代池瓦石坪一帶老林探知川省均有

官兵不敢南竄叫我們十幾人出來探聽何處

無兵卽乘間北遁等供楊遇春當將該犯正法

取道入林搜剿臣等查瓦石坪西代池一帶係

川陝交界處所均係密林深箐積雪尺餘只有

採藥取柴一人行走路徑且地勢最高我兵由

何處進剿賊匪皆可憑高望見必須設法轟逼

令其南竄方可趕及殲除隨札飭豐紳帶兵由

高莊河漩窩一路顧定西北進逼田朝貴帶兵

由紅羊河蒿枝壩一路顧東北進剿楊遇春帶

兵由上石板濫池壩進發臣額勒登保親督官

兵由倒水碛鞍子溝進發臣德楞泰督同叅將

特依順保等帶領馬隊官兵在楊泗廟麻柳壩

一帶扼截十九日該匪果由老林無路處所北

折臣德楞泰先經派有馬隊官兵在大坪一帶

巡哨該匪探悉前有官兵卽折奔分水嶺老林  
欲思東遁適田朝貴一路官兵由蒿枝壩探剿

而來正與該匪迎頭相遇當經斃賊十餘人生

擒四名該匪不敢拒敵卽由大水井折竄木馬

橋老林屯聚

臣

額勒登保二十二日冒雪進抵

鞍子溝探知賊匪自木馬橋遁向硝碕子屯紮

是日田朝貴兵至小濛壩楊遇春亦於三更趕

到會同五更進兵遂令豐紳分兵數百名赴雞  
公梁設伏截剿又派叅將哈豐阿劉健標帶兵  
赴大火地五顆樹分段設伏

臣

額勒登保親帶

副將唐文淑並馬步兵三百餘名於柯水溝口

策應該匪不出大火地定竄雞公梁數路圍攻  
可期痛殲二十三日派令前隊桂涵羅思舉吳  
廷剛李應元祝廷彪爲一路楊遇春田朝貴爲

集三卷目錄卷之二  
三  
一路自油房溝乾樹梁進兵乘夜攻其不備殺賊十餘名生擒四名該匪見我兵雲集果向西

代池內雞公梁山下伏匿豐紳所派叅將馬文

斌守備張必祿李朝相帶兵於黎明時已抵雞

公梁山頂哨見溝底有賊卽分兵下壓該匪一

面抗拒一面分駭向上偷撲官兵悉力抵禦與

賊攪殺一處斃賊數名適楊遇春田朝貴追兵



趕到該匪見前後受敵立形慌亂卽分起於密

竹內捨命奔竄一起竄向鐵廠老林一起奔向

澗草溝林內該處盡係密箐我兵分投追趕該

匪愈竄愈深遂傳令將弁兵勇暫於林邊拏卡

圍逼並跣探路逕以防該匪竄逸查得澗草溝

可通大火地石板河一帶鐵廠可通油渣口一

帶均係要道臣額勒登保遂駐油渣口豐紳營

內以防鐵廠之賊因鞍子溝營盤空虛派副將  
唐文淑叅將哈豐阿劉健標赴鞍子溝以防澗  
草溝之賊二十三日黎明澗草溝賊匪果從大  
火地竄出唐文淑等帶兵迎頭剿殺立斃賊匪  
八人生擒二名餘俱敗逃該逆倚傍箐林忽隱  
忽現竄上對面大梁向黑碕溝一帶深山潛竄  
而鐵廠賊匪尙竄伏深林之內現今令豐紳帶兵

皇上搜剿楊遇春田朝貴亦已帶兵緊跟前來討連

恩榮日共斃賊匪三十餘人生擒活賊十二名訊據

供稱本想逃回四川散夥因怕官兵趕及仍商

量要覓路北竄等供均經分別凌遲正法臣 詔

等查該匪疊經我兵剿殺所剩不過百餘人臣

等與豐紳楊遇春所帶官兵不啻數十倍於賊

急欲滅此朝食現在弁兵鄉勇等深入林箐偵

探掩殺提鎮將領徒步入林均不稍避艱險乃  
該匪肆其狡獪往往於林箐內埋伏擊刺連日  
各路弁兵鄉勇間有傷亡寔屬可恨若督催過  
急我兵稍有損折寔屬不值倘步步持以慎重

又恐有稽時日

臣

等受

恩深重三省數十萬賊匪秉承

皇上睿謨指示均已殲除現餘不過百餘殘匪惟有

會同設法鼓勵將士兵勇於月底月初一鼓蕩  
平上紓

聖厯斷不敢玩忽遷延亦不敢稍涉大意自干咎戾

奏入

上命軍機大臣傳諭額勒登保德楞泰曰此次額勒  
登保親督官兵由倒水砦鞍子溝進發德楞泰帶  
領馬隊在楊泗廟麻柳壩一帶扼截節次擒斬賊

匪數十名所剩不過百餘人並據額勒登保奏稱  
於月底月初卽可一鼓蕩平此旨到時如業已辦  
竣額勒登保卽遵旨來京卽尙有一二未盡零  
賊德楞泰現在帶兵堵剿額勒登保卽可一面交  
伊專辦一面起程務於封印前到京爲要至賊匪  
雖屬無多但自知罪重無可逃生勢必抵死抗拒  
爲苟延殘喘之計官兵搜剿時於奮勉之中仍須

隨時留意若冒險輕進將弁等設有傷亡固爲萬分不值卽兵丁義勇亦不值以致果敵愾之人與此等亡命之徒拚決死生况現在官兵數十倍於賊以之分撥兜圍使賊匪無食可掠自不難如數殄滅德楞泰於此股零匪辦竣後仍當在彼督率搜捕俟該處各深山老林內無一零匪寔在肅清始可將征防各兵次第撤回彼時再回成都將軍

之任亦不爲遲也

初六日丁酉大學士保寧等奏言據四川總督勒

保奏請清查軍功頂戴人等分別查辦一摺欽

奉

諭旨此事非勒保一人所能定議大學士九卿詳悉

多議具奏欽此臣等伏思名器不可濫膺卽頂戴

虛榮均應嚴加查核但軍興之際在在需人鼓



舞羣材全資信賞八年以來經畧叅贊將軍督撫提鎮以至各路將領及司道以下等官俱有賞給軍功人等頂戴之事人數旣多冒濫誠所不免然其中實在出力勞績懋著者本多今大功甫經告蕝忽將前此所給頂戴紛紛追換旣非所以示信且旣據勒保摺內稱原賞各員多已不在該省此時又將憑何查辦倘查辦稍有

不協或致釀成事端所有該督請將從前賞過  
頂戴各軍功覆加查核將所有頂戴分別更換  
追繳之處應毋庸議惟此時軍務已完凡有賞  
過頂戴各軍功自應詳晰查明以杜弊混其願  
隸營伍者亦當分別辦理查嘉慶八年正月內  
軍機大臣會同兵部等部議覆經畧額勒登保  
條奏善後事宜摺內川陝楚三省軍功首領其

超衆出力奏明

賞給翎頂人員有情願入伍者五六品頂戴准其以  
把總外委拔補七八品頂戴准其以外委額外  
外委拔補其不願入營回籍安業者按名給予  
執照彙齊報部其各州縣寨堡義首督勇剿捕  
出力經該大臣等隨時獎勵給與執照并由各  
督撫給予執照者統俟一年內查明彙齊造冊

欽定四庫全書  
欽定大清會典事例  
卷三百一十一  
九

咨部存案以備查核奉

旨依議欽此欽遵在案臣等復加詳酌此次勒保摺

內所稱賞給頂戴軍功其原賞文武各員或陣  
傷亡故或陞調凱旋從前並未咨報有案似與

奏明

賞給者不同難於稽考但當日賞給之時該原賞文  
武各官自必給有執照載其勞績註明年月俾

有憑信此時該督惟當通行曉諭令該軍功等  
將所有執照一一送交地方官呈驗其並無執  
照者自不能捏飾該地方官於軍功呈驗執照  
時卽於執照上將該軍功年貌籍貫三代詳悉  
註明發回本人收領一面詳造清冊遵照前此  
定限彙齊送部以備查核則日後亦不致頂充  
冒認情弊如此辦理自不涉紛擾至此內情願

入伍者若如勒保所奏無論何項頂戴概以外

委拔補與前此奏定章程殊覺歧異且辦理亦

無區別臣等公同酌議除節次軍營奏明欽奉

恩旨出力軍功指明以都守千把補用者謹遵照辦

理外其餘五六品頂戴以把總外委拔補七八

品頂戴以外委額外外委拔補亦悉照前議惟

四五品軍功前次未經議及應請量以千把總

拔補在  
其用原賞頂戴如此則於錄用之中仍  
有限制再勒保摺內又稱此內不願歸伍頂戴  
榮身之人設有詞訟到官仍照齊民決罰以免  
恃符滋事等語軍功等恃符滋事地方官自當  
嚴行辦理豈得稍有姑息但若係尋常詞訟仍  
當查明情節輕重或先子降等或通行褫革至  
褫革不足蔽辜再予決罰懲辦自有等差若尙

未革去頂戴遽行決罰迨決罰之後頂戴如故亦覺有玷名器應請此後遇有軍功人等涉訟時飭令該地方官按照捐職人員公私罪過先行詳革衣頂再行決罰之例秉公酌辦勿縱勿苛以昭平允抑臣等更有請者各營把總外委等官爲兵弁進身之路若將頂戴軍功悉行先補則兵弁等升階有礙未免壅滯所有此項入



哨伍軍功應令該督等按照營分大小缺數多寡

對均勻分撥除係特奉

恩旨以都守千把補用及

賞給頂戴翎枝者均准其先儘補用外餘歸營入伍

之人應俟存營兵弁較拔二缺之後輪補一入

以免壅滯其陝甘楚豫等省頂戴各軍功一切

均照此辦理奏入

上諭內閣曰軍功等幫同官兵剿捕出力得有頂戴  
其情願入伍者自應按照頂戴分別拔補惜此內  
四品軍功一項品級較大當時自因其勞績出衆  
是以逾格賞給今議以千把總兩項兼補尙覺銜  
級懸殊所有四品頂戴各軍功著加恩專以千總  
拔補此內再查曾有殲擒有名首逆勞績尤著者  
卽格外施恩准其奏明以守備補用其五品以下

各軍功有似此者亦查明加等拔補至現由清查之時誠恐無知鄉勇平日不無捏飾情事該地方官惟當廣爲曉諭以此時查辦軍功項戴全憑執照爲驗須於執照上註明年貌籍貫三代再行發給若不能呈出執照則弊混顯然將來查出假冒頂戴者卽按其假冒頂戴之大小分別罪名之輕重如此剴切諭知庶名器不致冒濫而辦理亦無

紛擾餘皆照所議行

初十日

丑

勒保奏言查豐紳田朝貴等帶兵過

陝所有川境太平通江南江廣元等處空虛前

此臣雖經寄信額勒登保商令桂涵羅思舉兩

隊兵勇回川防範刻下尙未接有回信恐未必

卽能回川伏思太平城口黃墩後坪一帶老林

與陝楚二省毗連萬山叢雜道路紛歧向來最

係藏奸之藪而廣元南江通江等處沿邊地方  
又係川北老林且與陝境處處相通亦必須有  
兵防哨搜緝現在豐神田朝貴兩路官兵過陝  
之後臣一路僅有川北兵四百二十餘名不敷  
分派不得已於田朝貴原隊內留出遊擊馬成  
林帶兵四百名在八台山銀廠坪白森坪一帶  
巡緝都司龍必達帶兵二百名在旗桿山一帶

巡緝把總向貴帶鄉勇二百名在花岳山大竹  
河一帶巡緝則太平一帶老林可以稍資防範  
而田朝貴及桂涵羅思舉等各隊兵勇尙有二

十四百餘名儘敷在陝協剿其川北席南一帶

則將臣一路川北兵四百餘名派令遊擊張拱

辰帶領前往搜緝其城口黃廠後坪一帶老林  
飭令馬瑜分兵兼顧實力搜緝如此分派兵數

雖少而處處仍有巡防之人賊蹤自難藏匿至  
陝境餘匪尙在西鄉所屬巴山老林萬一被兵  
逼過川界則德楞泰豐紳田朝貴等數路官兵  
定必跟剿回川不虞無備再前次湖北竄川之  
匪除先後投首殲擒外尙有十餘名杳無下落  
現飭馬瑜分兵四路搜查斷不任其漏網奏入  
上命軍機大臣傳諭勒保曰此時川境業已無賊勒

保因太平廣元南江等處與楚毗連且多係深山  
老林不可無兵巡緝分派將領各帶兵勇分路嚴  
防使各要隘處處有兵賊蹤無從藏匿自應如此  
辦理勒保自簡任總督以來帶兵在外總未進省  
辦事前經降旨令其酌量情形早行回省料理地  
方事務今川境賊匪剿盡沿邊老林亦俱分兵防  
禦勒保自不必久住綏城且該省軍需報銷正須



核辦而從前又有旨派令順路祭告典禮勒保將  
糧餉搜緝各事宜交劉清羅聲臯等遵辦後卽應  
起身沿途祭告禮成回省清理事件至德楞泰將  
陝省餘匪辦淨則不必急於回任總須帶兵逐路  
排搜俟來歲春融實在並無賊匪潛匿再將兵勇  
概行裁撤德楞泰始可回成都將軍之任

十一日

壬寅

吳熊光奏言竊查楚省各境自節次

搜捕以來零匪以次消除地方漸臻寧靜

臣

恐

深山老林尚有賊匪伏匿仍飭各路加意窮搜以期不遺餘孽茲據總兵吉林泰稟報都司張代鳳在艾家灣搜獲賊匪一名又千總范懷等在康家堙地方搜獲零匪二名當卽轉解提臣慶成審辦並准慶成知會前次叅將毛秉剛派出外委李世坤在黃邱嶺捕獲賊匪何先一名

中途身故訊之眼目人等實係偽總兵何繼成

當將該屍寸磔以彰

國法所有原拏之外委李世坤臣已酌加獎賞並

遇有應陞缺出卽行拔補以示鼓勵又據房縣

委員王斌第拏獲假充教匪搶奪寨民鹽斤之

地棍李太榜一名臣查楚境零匪已將廓清居

民正當復業之時若本地棍徒假充教匪逞兇

搶掠殊爲地方之害臣於審明後卽行正法以

昭炯戒至前次由楚闖入川省之賊經奉

旨降爲千總之薛忠全與都司趙先貴追至川境會

同川省都司史定川等實力追捕屢有斬獲欽

奉

諭旨如果薛忠全自知愧奮將此起零匪剿捕淨盡

再據實具奏茲據四川都司史定川薛忠全趙先

貫稟稱入川零匪經該員等節次擒斬外所遺

三十餘名因追捕緊急已赴張長青處及開縣

投首核計入川人數寔已剿辦殆盡臣已令趙

先貴薛忠全卽回本境防守其餘各路鎮將按

段會哨俱無賊蹤奏入

上命軍機大臣傳諭吳熊光曰據稱各路鎮將又報

獲零匪數名並拏獲假充教匪逞兇搶掠之李太

榜一名於審明後卽行正法所辦甚是楚省餘匪  
現雖將次淨盡但各處深山老林難保無一二潛  
匿之匪總須盡力排搜使根株剗盡方免後患此  
時天氣嚴寒恐將弁等憚於深入吳熊光務須督  
飭辦理不可鬆勁其沿邊一帶尤須加意巡防無  
許稍有懈弛

十六日

未

額勒登保德楞泰奏言前竄上黑砢

溝一起賊匪經臣額勒登保派令副將桂涵來

將祝廷彪羅思舉帶兵緊躡楊遇春田朝貴帶

領後隊接續前進另派叅將劉健標等帶兵趕

剿鐵廠溝山梁之賊劉健標等遙見零星匪向南

狂竄追趕二十餘里賊遁入小濛壩大山踞險

設伏劉健標等察看地勢萬難得手卽扼住該

匪北折之路適楊遇春田朝貴帶兵與桂涵等

三才圖會卷三十一  
接續前進差探黑碕溝之賊已竄出東面大山

奔向松樹壩折向小濛壩一路兩起賊匪又經

竄合臣等得信後一面飭楊遇春等併力追剿

一面令豐紳帶兵移駐通江之西壩梁鐵溪河

一帶控扼西面防其折竄臣額勒登保督率副

將唐文淑叅將哈豐河劉健標帶兵由九打柞

馬家壩顧北向東趕剿臣德楞泰督率總管和



隆武遊擊劉廷斌張紹緒帶領馬步官兵趕赴  
拴馬嶺一帶抄截旋據防守麻池寺營卡都司  
楊輔義稟報二十七日晚間賊匪十餘人假充  
探信官兵竟至卡外經哨兵盤詰不能支飾卽  
動手格鬥當經哨兵持矛戳斃賊匪一名餘賊  
上前救護楊輔義帶同外委陶彪出卡衝擊後  
起賊匪亦陸續趕至竟敢繞出卡後意圖撲壓

楊輔義等帶兵分投衝殺刀砍矛戳立斃賊匪

五名賊潰亂下奔又滾放擗石打傷賊匪二名

桂涵等旋即趕到下溝衝殺該匪驚竄長嶺山

梁時已更餘桂涵卽於對面山包駐紮詰朝仍

行趕剿該匪又繞路向南我兵仍緊躡而進二

十九日賊匪復竄屯定遠之濫泥垭險山桂涵

等以賊匪連日被追必形困乏若乘夜進攻必

可得手遂公同商定桂涵與羅思舉祝廷彪爲  
一路吳廷剛與李應元爲一路均於三鼓帶領  
兵勇由小寨子攀援而上五更齊抵賊屯吶喊  
殺入賊匪立形慌亂當斃賊匪九名生擒六名  
餘賊退入兩旁林箐恃險抗拒內有頭戴翎頂  
賊目一名較爲兇悍經兵丁蘇榮高上前戳斃  
搶獲頂帽割取耳記餘賊由望鄉臺一帶老林

潛遁將獲賊解送臣等軍營訊明辦理臣額勒

登保遂由松樹壩翻鹿池山光棍嶺向東南而

進臣德楞泰亦由漁渡壩向南進發初二日於

白廟堂會合探悉該匪被剿後南竄十二灣一

帶深林楊遇春田朝貴帶同副將杜涵吳廷剛

等緊躡而前查該匪雖屬無多往往接仗時竟

有認識將領姓名各隊旗號者每於險要山堽

或分路處所留人設伏陰伺追兵楊遇春田朝

貴現在察看地勢詢問道路分兵抄襲以期一

鼓蕩掃臣等現在會同進抵川境太平之黃泥

扁接據防堵陝境鎮將劉瑞劉管城興安府知

府周光裕等稟報川陝邊界老林有零匪數十

人竄至安康大木梁又平利之木馬河一帶亦

有零匪百餘人由界嶺竄來現在支河一帶游

奕總兵王兆夢劉瑞等已分派將領挑帶官兵

顧北向南截擊並知會大莊溪喜明營卡一體

顧東探截等情臣等查川陝邊界山大林深藏

奸本易今安平邊界果有零匪定係各官兵趕

散餘孽又復聚集但各文武所稟多寡不一是

否係一股零匪抑係兩股均未聲明陝安鎮總

兵王兆夢前經派令督率照料各營卡尙未據

該鎮報到然<sup>臣</sup>等既有所聞不得不先事籌顧

<sup>臣</sup>等卽酌令楊遇春先行帶領官兵由鹿池山

抄取捷徑趕赴安平境內查明果有攢聚賊匪

卽當率同各鎮將悉力截剿倘係傳聞之訛該

提督亦無庸復行入川卽於沿途往來督緝以

清疆界<sup>臣</sup>等仍在川境會剿向十二灣逃竄之

賊悉予殲除現在總兵馬瑜帶兵亦由黃墩渡

口場而來更可兩面交擊期於旬日內外將此  
股殘匪辦完彼時如陝境有竄入賊匪<sub>臣</sub>等卽  
帶領勝兵同赴陝界督辦奏入

上命軍機大臣傳諭額勒登保德楞泰曰此次零匪  
約有一百餘人竄出東面大山奔向松樹壩接仗  
時竟有認識將領姓名各隊旗號者自必係曾充  
鄉勇夫役之人從前官兵搜剿時伊等或尙在隨



營或散遣後尙未從逆官兵自不便擒捕此時該  
匪等旣經竄擾人數至一百餘名且敢假充官兵  
來卡探信情殊狡惡惟應痛加剿洗勿留遺孽至  
所稱陝境文武稟報零匪數十人竄至安康大木  
梁又平利之木馬河一帶亦有零匪百餘人在支  
河一帶游奕額勒登保以旣據該鎮等報到不得  
不先事籌備派令楊遇春帶兵趕赴安平查明果

有賊匪卽悉力截剿等語安平境內如實有零匪聚擾楊遇春已帶兵前往務令遇有賊蹤卽向西南兜逼川省邊界有額勒登保德楞泰等大兵扼截且地面平坦兵力易施不難兜捕斷不可使賊匪向北奔逸設竄入南山輾轉追逐辦理必致棘手額勒登保現駐川境會同剿捕據稱於旬日內外將殘匪辦完今已屆旬日如將殘敗餘匪殲除

殆盡當遵前旨起程回京卽所剩無幾著交德楞  
泰督捕額勒登保亦可入都瞻覲總於封篆前後  
趕到亦不爲遲仍將於何日起身先行馳奏德楞  
泰接辦後務須認真搜捕卽此股辦完亦不必急  
回成都將軍之任尤須於川陝邊境各處深山老  
林加意窮搜俟來歲春融一無萌孽實在肅清方  
可撤兵回任川陝地方山深箐密將來大兵全撤

設有一二未盡餘孽復致煽誘成何事體是在督撫等轉飭各文武官員於平日留心稽察先行保甲嚴密巡邏奸宄無從溷跡自不能糾結滋事併當隨時宣諭實力化導俾人人勉爲良善安分守業地方自益臻寧謐矣

二十三日

甲寅

吳熊光奏言竊

臣

前因副將呢瑪

善本係腹地搜捕之兵叠據稟報境內探無賊

蹤當卽飭令速赴西南邊界一帶往來探搜遇  
賊卽剿去後嗣據總兵慶溥稟報據都司趙先  
貫並薛忠全在界外川境地方捕獲零匪一名  
又遊擊馬濟勝在界嶺外老林內搜獲零匪一  
名並據總兵李天林稟稱都司唐盛高帶兵赴  
西路會哨望見川楚交界之陰峪河深林內忽  
有烟起當卽帶兵入林搜捕詎有賊匪二十餘

人望見官兵仍由川楚邊界老林向西狂奔業

令叅將德興都司唐盛高躡蹤追捕等語 臣查

此起零匪是否卽係川省五十餘人內分出之

賊抑係另起尚未明晰現在飭查並嚴札慶溥

李天林等探明賊蹤寔力搜捕不得意存畛域

至副將呢瑪善之兵至今尙未到彼亦無一字

稟及賊情此次陰峪河之賊雖尙未闌入而呢

瑪善行走遲緩未能先幾迎擊撲滅實有應得  
之咎相應請

旨將呢瑪善先拔去花翎以示懲儆如此後再有遲

緩卽當嚴叅治罪至東路巴東一帶據總兵吉

林泰稟報把總鍾廷科在胡家溝搜獲零匪一

名已飭解赴提臣慶成審辦其餘各邊卡會哨

搜捕地方均皆寧謐奏入

上命軍機大臣傳諭吳熊光曰此起陰峪河零匪是  
否卽係川省五十餘人內分出之賊抑係另起現  
據該督飭查但楚省零匪前已將次淨盡今陰峪  
河老林復有二十餘人屯聚可見從前官兵搜捕  
已形怠玩未能實就肅清卽如此次摺內所稱各  
路將弁獲犯不過一名兩名是官兵所擒捕者祇  
係隻身散竄餘匪而官兵亦不過一二人往來探



信之人其成羣結隊者潛匿山林仍未能周歷搜

查現在時屆嚴寒官兵或憚於跋涉惟在設卡處

所安坐巡防該匪等知官兵所在豈肯自投羅網

而官兵亦遂不偵蹤嚴緝卽經檄飭搜查不過於

就近地方巡查數里率以並無零匪具報似此鬆

懈餘孽何時搜盡吳熊光當會同慶成嚴飭鎮將

督率弁兵奮力窮搜將山林餘匪上緊捕盡毋令

再有竄聚如鎮將等有遲延怠玩情事卽著嚴叅  
懲辦此次陰峪河餘匪呢瑪善行走遲緩未能迎  
截自應加之懲誡呢瑪善著先拔去花翎仍責令  
速將此起零匪探明截擊殲擒務盡如再不知奮  
勉卽行嚴叅治罪

二十五日丙辰勒保奏言竊臣於本月初一日由

綏定起程向渠縣營山蓬州南部閬中一帶取

道察看地方情形十分寧靜且本年秋成豐稔  
糧價平減大約不過一二年民氣卽可復元

臣

又以川北州縣與陝境在在毗連防範尙須嚴  
密因順便查勘江防現在總兵呂朝龍叅將閔  
懷希分帶兵勇一千餘名在廣元寧羌交界之  
處常川巡哨以防陝境餘匪竄逸其保寧順慶  
重慶等處雖境內現無賊氛但設有一二游民

匪類混跡過江皆慮驚擾閭閻是以臣前此飭

令各該府境內就本地標營每營派兵三百名

保寧之兵則在閬中南部等處順慶之兵則在

蓬州南充等處重慶之兵則在定遠合州等處

皆於嘉陵江西岸分設汛卡盤詰奸宄茲臣經

過查閱沿江聲勢聯絡臣仍飭帶兵弁員如有

形跡可疑言語支吾之人只許帶赴州縣衙門

查訊辦理不許擅自拷打致累無辜並飭各卡  
兵丁遇有執持刀矛之人詳加查詰不許過渡  
以免奸徒假充兵勇混迹滋事現在各處民情  
極爲安貼至陝省南山竄出之匪近日接據探  
報不日可期蕩洗川東川北各腹地州縣近俱  
十分寧謐其大寧太平通江毗連陝境各處亦  
未報有零匪竄入

臣

仍嚴飭各將弁常川分路

搜緝並責成馬瑜劉清羅聲臯等就近督催務  
令將地方有無賊匪情形五日具報一次設將  
弁內有懈怠偷安者卽令指名揭報嚴叅勿任  
鬆勁奏入

上命軍機大臣傳諭勒保曰川省零匪全數肅清此  
次勒保由綏定起程回省經過渠縣營山蓬州南  
部閬中一帶地方民情極爲寧貼且年歲豐稔糧

價平減勒保惟當督飭該處地方官加意撫綏俾

元氣早復爲要至地方甫經廓清之後若間有一

二逃匿零匪原可責令碉寨居民自行擒縛設遇

有成起之賊乘間竄逸則仍須飭令鎮將等帶兵

擒拏方能立時殲盡川北州縣與陝境毗連現在

陝境零匪未清嘉陵江防兵關係緊要勒保旣派

呂朝龍等分帶兵勇一千餘名在廣元寧羌交界

集五  
卷之三十一  
三十一  
之處常川巡哨並於嘉陵江西岸派兵巡查以防  
匪徒混迹過江滋擾當嚴飭該鎮將等實力巡查  
隨時盤詰不得徒事駐守稍涉大意此項防兵著  
俟德楞泰到川巡查後實無一名餘匪回至成都  
方可會商撤回原營此時切勿輕撤

同日方維甸奏言竊南山藏匿零匪前接楊芳  
札稱守備梁元凱等在天鵝宕筭溝等處殲



斃五名割取耳記呈驗都司蘇超巡至終耳山  
見竹棚內有零匪二人向前趕拏該匪情急卽  
行投崖跌斃並據知府銜商州知州陳祁稟報  
武生張永清寨勇姚士彬搜至東腰竹溝殲斃  
零匪二名其餘各路均稱嶺南一帶現無賊蹤  
仍飭令實力嚴搜以清山境又據寧陝營都司  
黨聯陞稟報巡查兵丁拏獲賊匪周太一名將

該犯稟解前來臣親提研訊據供係內鄉縣人

嘉慶二年先曾隨同張漢潮齊王氏姚之富在  
陝滋擾六年與張士龍等合夥曾經掛帥七年  
又隨苟文明竄入南山被官兵擊散今年又投  
入李姓馬姓等湊聚股內在陝江口與官兵  
打仗用矛戳死戴白頂官員後來李姓等過江  
不及趕上大夥逃至搗鼓石地方被搜山官兵

拏獲等語查周太係賊匪僞元帥抗拒滋擾日  
久稽誅且係傷害千總馬大剛之犯審明後當

卽恭請

王命將該犯凌遲處死其拏獲該犯之弁兵已咨明

楊芳酌量拔補又據青山寨寨長儲登高在竹

山溝拏獲搶掠匪徒劉文元一名訊係伍金柱

股內餘匪現亦提省審辦又猴兒寨附近洞內

藏匿之同案匪犯李光坤一名經差役趕拏跳

崖跌斃臣聞此等零匪不但在老林藏匿且有

近寨窩留之人已密飭各員躡緝再前據漢中

王命定遠文武稟報楊遇春剿敗賊匪奔至雞公梁

分作兩起被官兵連次截殺二三十名竄入川

界已至太平廳屬之萬壽坪本月初間川陝官

兵合剿又擒殺賊匪四十餘名等語此股賊匪

經大兵顧住北面並未竄近漢江又據興安府  
知府周光裕等稟報有一起川省零匪竄至平  
利之兩扇門木馬河支河一帶遊奕額勒登保  
等已派兵往剿等語該府縣等所報並無確數  
亦未得有截剿之信俟有捷音卽行馳

奏奏入

上命軍機大臣傳諭方維甸曰額勒登保追剿之賊

自雞公梁敗竄後分起窮奔現又經楊遇春田朝  
貴等帶兵追擊並沿途截殺六七十名所餘已屬  
無幾刻下額勒登保等自己督率川陝將弁併力

合剿殲除淨盡該撫一俟得有捷音卽行馳奏其

南山藏匿零匪全在地方文武官寔力查搜卽如  
此次拏獲之逸賊周太卽係邪匪初起時張漢潮  
齊王氏股內曾經得受僞號之賊可見此時山內

伏匿餘匪尙難保無著名首逆影射潛藏或苟朝  
九余佐斌等卽在其內均未可定方維甸當與楊  
芳督飭文武官弁常川留心嚴密躡緝飭令剗盡  
根株不留一名餘孽將山內全境肅清此爲至要

二十八日己未額勒登保奏言據楊遇春呈報挑

帶馬步官兵已於初六日由田壩河翻山取道  
麻柳壩回陝田朝貴率同各路官兵由田壩董

家溝緊跟賊蹤向東南而進臣等亦由廟坡白

菓壩沅口溪一帶取道策應初九日田朝貴師

次鞍子坪探悉該匪屯紮大窩岩該處有路通

柯家坪恐其由此路竄出隨派副將桂涵叅將

李應元羅思舉帶領兵勇繞道抄出柯家坪設

伏田朝貴帶兵由後轟逼該匪果於三更時起

竄向柯家坪而來桂涵李應元羅思舉督兵突



出迎擊當斃賊八名生擒四名在後賊匪知有

官兵卽折由左手黃洋坡老林逃竄時因深夜

未能窮追將兵勇在該處暫紮黎明時田朝貴

帶兵趕到查點岩下跌斃賊匪六名探報該匪

連夜由台子壩向打箭壩逃竄當派守備李朝

相帶兵勇十數名跟蹤偵探詎該匪於道旁密

林中埋伏突出守備李朝相身帶矛傷陣亡兵

勇傷亡三名田朝貴一面帶兵緊躡一面將獲

犯耳記解驗前來臣等審訊獲犯供稱此股陸

續奏合本是姓李的爲首早已被官兵殺了衆

人舉出姓馬姓趙姓王三人管事都不知道名

字若有人問他就要殺害大家商量總在老林

躲避如官兵追來卽乘夜奔跑也無定向等語

當將該犯等正法兵勇加倍給賞臣等復派

副將馬應國叅將劉健標遊擊劉彪帶兵勇一千名由白笋坪一帶取道與田朝貴兩路進逼

臣等亦由劉家坪涼風埡督率而進十三日田

朝貴帶兵由明通井取道跟剿沿途搜獲伏賊四名訊知賊匪竄聚甕坪山頂老林當卽督兵由張果老坪向上仰攻知會副將馬應國等由王家壩過其北竄之路詎該匪佔據山頂哨見

官兵卽折由熊板欖蓼葉坪向西北逃竄十四

口<sup>臣</sup>等行抵柯家坪<sup>臣</sup>額勒登保現卽帶領侍

衛色克通阿叅將哈豐阿遊擊劉廷斌率領兵

勇在涼風埡設伏<sup>臣</sup>德楞泰帶領副將唐文淑

等帶兵由半邊街策應並飛飭副將馬應國等

帶兵由三排山取道前進以便田朝貴追兵轟

逼而來數面夾攻再據陝安鎮總兵王兆慶稟

報該鎮在八仙河營卡巡防因聞平利支河地

方有零匪竄擾當卽會同總兵劉瑞飛飭副將

閻俊烈遊擊李勝林都司柯連仲分兵扼剿於

鴉河地方殲斃賊匪二名並拏獲一名訊悉該

匪共有四五十人係各路剿散零匪並會合本

處無業棍徒往來掠食由青猴洞竄至支河現

被陝界官兵逼剿仍行回川等供當將該犯等

正法現在該匪探知處處有兵由高灘河大小  
堽山折竄深入川境閻俊烈已帶兵追躡入川  
並飛移川東巡防總兵馬瑜探蹤迎擊又據總  
兵馬瑜稟報派令都司史定川帶兵在奉節之  
白馬寨地方探有零匪五名當經斃賊三名擒  
賊二名又於斑竹園地方探有零匪四名殲斃  
二名生擒二名均審明正法臣等昨據川陝邊

界文武稟報忽有零星竄入陝境核其所報情  
形似未確切是以先令楊遇春帶兵回陝查辦  
旋經王兆夢稟報此股零匪四五十人業經堵  
截入川並詢明人數無多寔非兩起因地方文  
武各據差探具稟以致歧異現在旣入川境陝  
邊又有楊遇春督率巡緝更可無虞又據楚省  
巡防鎮將稟報現在亦無零星各加具印結前

來是陝楚地方寔已肅清惟餘此百餘殘匪奔

竄稽誅<sub>臣</sub>等誠恐該匪人數尙多前敵鎮將未

經據實稟報連日親督官兵進山查問寨洞居

民僉稱賊匪實只百餘人並未裹脅百姓並於

經過賊匪屯紮處所親臨履勘查點鍋灶數目

賊匪實亦不過百餘人未經加增<sub>臣</sub>等現在會

同籌商期於旬內將該匪悉數辦完<sub>臣</sub>額勒登



保再將陝境兵勇事理稍爲經理卽起程馳詣

闕廷叩覲

天顏奏入

上命軍機大臣傳諭額勒登保德楞泰曰此次額勒

登保等督飭田朝貴桂涵等於柯家坪等處節次

殲擒零匪二十餘名所剩不過百人其平利地方

一起零匪共有四五十人經王兆夢等搜剿現已

逼竄川境是合計兩起餘匪亦祇有百十餘人無  
難尅期殄滅額勒登保等自督兵剿辦以來前後  
各股賊匪數十萬俱以次殲除額勒登保身係經  
畧於大局勘定全功告蒞後即使所餘殘匪較之  
目前賊數稍爲增多亦可歸入善後事宜交本省  
官兵搜捕額勒登保先行奏凱何況此時統計所  
剩僅有百餘零匪又現有德楞泰在彼可以接辦

經畧自不必日久帶兵於外德楞泰身歷戎行亦  
經八載久著辛勤伊前次入覲時朕本欲授以京  
職令其暫息勞動因奏報蕝功後或尙有潛伏餘  
孽地方未就收寧仍任德楞泰成都將軍俾資彈  
壓是川陝邊界搜捕事宜德楞泰之責較重且此  
等零星殘匪亦斷無德楞泰不能辦竣之理計額  
勒登保此摺奏到已逾旬餘而此旨到時又須旬

日諒額勒登保已將馬姓等一起賊匪辦竣交代起程倘尚未剿淨著額勒登保於接奉此旨之日不必遲疑卽帶印起程由五百里於是日覆奏約計何日可以到京並於摺內聲明以慰塵注所有額勒登保未經辦淨賊匪著交德楞泰督飭搜緝務期剗絕根株勿留遺孽德楞泰仍須於川陝邊境各處深山老林逐一排搜俟明歲春融實在肅

清再回本任其竄入川境之零匪四五十人著交

楊遇春專辦一律殲除勿稍延緩此時經畧雖已

凱旋而該處所設防守官兵原未概令裁撤德楞

泰於額勒登保起身後尤須督率鎮將認真籌辦

以期迅就廓清至獲賊供稱此起係馬姓趙姓王

姓三人管事都不知道名字若有人問他就要殺

害等語看此情節甚屬可疑安知非余佐斌苟朝

九有名賊曰改易馬趙等姓恐被人識破故不許  
同夥詢問德楞泰應倍加留心一經拏獲卽當跟  
究實在姓名毋使兇徒漏網爲要所有陣亡之守  
備李朝相著名部賜卹

欽定剿平三省邪匪方略續編卷二十二

癸亥年

十二月初三日

甲子

吳熊光奏言

臣

據探報陝省

巴山嶺之賊經額勒登保等分投截剿已竄入

川省太平之十二灣一帶又探得川省之青猴

洞另有賊股分爲兩起一竄陝省安康之大木

梁約有數十人一竄平利之木馬河約百餘人

現經提督楊遇春東來截剿等語

臣

查楚省竹

谿之西面與川省犬牙相錯復飭慶溥等加緊  
嚴防去後旋據慶溥稟報前由川楚邊界老林  
西竄零匪二十餘名經遊擊姜元祥等帶兵迎  
截於箬箕窪老林鎗斃賊匪三名逃出難民四  
名餘匪仍由邊界向竹谿一帶奔逸

臣查該匪

向西直竄似欲奔入陝境與彼地之賊合夥當  
卽飭令副將呢瑪善等抄赴竹谿西面扼其入



陝之路該匪竄至西溝地方知有官兵抄截仍

復折回南竄臣現飭慶溥呢瑪善等四路設伏

嚴擒期於就地殲滅並據慶溥稟報兵丁楊本

良在界外大寧所屬之中岡嶺搜獲賊匪一名

又據降職千總薛忠全稟報在焦山一帶搜獲

川省竄來零匪一名據總兵吉林泰稟報千總

范懷把總張必貴在巴東王家灣一帶搜獲零

匪五名鄉勇首領梁奇鄉勇李正乾等在歸州  
螞蝗觀一帶搜獲零匪六名又把總鍾廷科在  
巴歸交界之獨獅子地方捕獲零匪一名均係  
川陝真賊現已審明辦理刻下南路一帶似就  
肅清奏入

上命軍機大臣傳諭吳熊光曰吳熊光奏稱川省青  
猴洞賊股分爲兩起竄入陝省安康平利地方經

防邊之總兵慶溥探知有由川楚邊界老林西竄  
零匪二十餘名當經官兵鎗斃三名餘匪仍由竹  
谿一帶奔竄等語此起零匪向西奔竄自係奔入  
陝境合夥但陝境餘匪現今德楞泰督同楊遇春  
帶兵截擊恐被剿情急或該匪等不能合夥又思  
乘間竄入楚境該督當飭令各鎮將嚴密防堵勿  
任闖入卽南路一帶雖經據報肅清但此次吉林

泰等派出兵勇查搜已獲有零匪十數名可見深山老林總未能實在淨盡吳熊光亦當飭令該鎮將仍前奮勉遍歷窮搜留心偵察總須俟來歲春融一無萌孽至麥收以後實屬安堵無虞方可撤

兵葺事

同日吳熊光又奏言查都司麻光裕原帶鄉勇五百名多係施南府人隨征多年其中並有曾

跟經畧額勒登保在黃栢山勦賊者技藝嫻熟  
於搜勦尙爲得力現據該都司麻光裕稟稱詢  
之各勇多願充兵惟伊等原籍相距一千數百  
里未能遠赴鄖鎮各營充補額兵等語

臣

伏查

楚省宜昌居荆州之上西通巴蜀爲川楚門戶  
且宜昌鎮所轄之施南協衛昌營等處俱係改  
土歸流之地山深林密最易藏奸尤宜認真稽

察彈壓方免後患自宜酌加兵力以示聲威

臣

與提臣慶成商酌宜昌鎮屬旣需酌增兵力而  
麻光裕所帶練勇又不能遠赴襄鄖充兵應俟  
搜捕事竣卽飭該都司麻光裕將原帶練勇五

百名帶赴巴東江北地方駐劄各給守糧一分  
另立一營卽令麻光裕統領並另設馬糧十二  
分作爲額外外委給子頂戴卽將軍功首領拔

補令其管帶操演查巴東西接川省巫山南與  
施南連界北通興歸等處最爲扼要之地該縣  
向來僅設守備一員駐劄江南安兵無幾今得  
添此一枝勁旅駐守不但足資彈壓且各勇卽  
可藉以鈐束不致爲匪臣仍飭施南各協營此  
後遇有陸續所出制兵之缺卽以此項練勇就  
近頂補約計兩年後卽可補完至所添額此外

委十二名現准提臣慶成咨會以宜昌鎮標有  
未設額外營分應酌量添設等語將來各勇補  
額後臣另行查明咨部將空出額外各缺分撥  
應添各營仍食各本營馬糧以資操防再楚省

鄉勇情願食糧者統計不及千名臣前經

奏明將鄖鎮各營應添額兵酌留七百餘名以爲  
鄉勇充兵之缺茲麻光裕所帶之勇既不撥赴



鄖陽無須酌留七百餘名之多現今陸續召募  
以實兵額奏入

上命軍機大臣會同該部議奏旋經慶桂等會同兵  
部議奏請如吳熊光所奏辦理

上從之

初五日丙寅額勒登保奏言臣現在起程進京所

有現帶楚省調來馬隊一百一十員名除楊遇

春帶四十名赴陝外尙有七十員名並甘州固  
原漢中協營官兵一千五百餘員名鄉勇四百  
餘名共馬步兵勇二千名各飭原帶將領管帶  
交德楞泰督率在川搜剿所留各官兵應需月  
餉均由陝省糧員發至十二月底止

臣並於

欽頒賞項內撥銀三千兩留交德楞泰以便隨時獎

勵臣原帶之賁西官兵六百餘員名係元年所

調原帶之馬隊一百餘名出師亦久並有鄉勇  
二百餘名應行遣撤隨一併帶領於十九日取  
道太平回陝沿途分差查探並詢寨堡居民均  
稱陝邊實已寧謐山林內並無伏匿等語並據  
楊遇春呈報前在安平邊界數十名零匪已經  
官兵截剿竄至川境翻過大小鴉山一帶副將  
閻俊烈帶兵入川跟搜臣深恐各留防提鎮將

領等或因地方寧靜稍有懈弛復通行諄切札  
飭其搜捕情形隨時就近稟報德楞泰查核奏

陳

聖鑒卽境內並無零匪亦按五日一次加結具報備

查並報明撫臣方維甸查核臣俟抵漢中將廣

西官兵卽交副將張瑗等帶領凱旋其侍衛章

京吉林黑龍江馬隊官兵亦令暫駐漢中查照

定例將應行引

見各員分別造冊亦卽凱旋所帶鄉勇二百餘名或

資送回籍或分給標營均交副將唐文淑辦理

呈報撫臣方維甸查核臣卽行恭賚印信由漢

中入棧計於二十前後馳詣

闕廷早紓依戀至陝省尙有應撤之貴州官兵一千

一百餘名現在班鳩關一帶分防應俟赴川剿

纂三卷舊方身續卷三三  
賊各兵回陝後卽更替該官兵凱撤回營其餘  
各省員弁兵丁均經全數撤回間有現在帶兵  
得力及有經手未清各員應俟事竣後卽由提

臣楊遇春給咨回任奏入

上命軍機大臣傳諭額勒登保曰額勒登保在軍營  
勦辦賊匪八載有餘現在賊匪全行勦淨大功告  
成旋京面朕朕亦欲早見但爾在軍營勤勞多年

此來正遇隆冬嚴寒之時著不必趨程約計十二  
月二十日以後二十五日以前到京並著派御前  
侍衛珠爾杭阿迎赴前途賞給額勒登保寶石帶  
板一個玉翎管一個大吉玉葫蘆牌一個喜字玉  
搬指一個玉烟壺一個黃瓣大荷包一對小荷包  
四個再從前額勒登保之母病故時額勒登保正  
在勦賊緊要之際是以留辦軍務今伊母之喪不

惟已過百日早踰二十七月額勒登保俟抵京時  
經朕面詢三省善後事宜後卽著謁

陵回京慶賀新年初二日賞食

神肉國家慶賀禮成著額勒登保於初三日起補穿  
孝服亦可盡爲子之道

上又命軍機大臣傳諭德楞泰曰陝省殘匪所剩無  
幾此時額勒登保回京之後專交德楞泰一人辦



理德楞泰威名素著前後勦辦著名首逆及大小  
股匪不啻十數萬人况此區區有限殘匪斷無不  
能辦竣之理但數月以來各處將弁兵丁搜捕事  
宜似俱不免鬆勁現在已屆臘月設官兵等因年  
節已近安心度歲以致辦賊稽緩更屬非是軍營  
積習每屆年節之時卽往往借此休息現雖軍務  
將蕝究有餘匪未淨更當上緊搜捕爲一勞永逸

之計德楞泰務當督飭將弁兵勇剋期於年內辦

完勿留餘孽切不可任其懈弛上次伊與額勒登

保會銜之摺係十一月十五日拜發摺內奏稱零

匪竄至涼風壩老林一帶現在督飭田朝貴馬應

國等數百轟逼又平利支河地方零匪逃入川境

亦經閣俊烈帶兵趕往等語計彼時發摺之日至

今已閱二旬現又殲獲賊匪幾何辦理會否淨盡

著德楞泰卽詳晰具奏

初七日

戊辰

德楞泰奏言查賊匪深匿白筍坪老

林山頂該處四面陡絕且在萬山之中冰滑雪

厚林密箐深難施兵力田朝貴等連日鼓勵兵

勇奮力仰攻該匪倚仗山勢抵死抗拒各路鎮

將兵勇卽在雪後露處三面圍逼未能得手該

匪於十八日乘雪霧瀰漫於白筍坪無路處老

林溜崖向西北之小白沙河潛逸迨午後霧開  
田朝貴等卽帶兵勇由修溪壩一路兜截防其  
北竄馬應國等帶兵由大窩亾趕剿十九日午  
後追至城口之伍家寨地方該匪正在山梁聚

集馬應國等督率兵勇上攻該匪抵死下壓攪  
殺數次當殲斃頭戴紅頂花翎賊目一名殺賊  
三名擒獲五名餘匪見兵勇殺斃賊目復敢拚

死衝壓馬應國等竭力攻撲始行敗走向轎頂  
寨普同觀等處遁逃馬應國等仍連夜窮追所  
有殲斃賊目賊夥首級四顆擒獲賊犯五名一  
併押解來營臣當卽審訊獲賊據供我們跟隨  
苟文明在南山裏殺人放火不記次數苟文明  
被官兵殺了大家逃過四川商量總不出老山  
菁林遇見官兵就拚命抵拒乘空仍要回陝西

南山裏去這個首級是王元帥的那三個是戰  
手他們原有四個元帥姓李的已被官兵殺了  
還有姓馬姓趙的兩個人管事這翎頂是害了

朱大老爺得的等供臣查該犯五名皆係陳賊

當卽盡法處死旋探該匪被剿後漏夜狂奔竄  
至川陝界連之老林中猴子寨一帶藏匿四面  
皆係陡壁懸崖只有羊腸小路東通老鴉口可

走南天門西通羊耳壩北由日連堙翻大梁卽

通四季河南走普同觀中通空河皆係竄陝之

路臣現令田朝貴等帶兵在空河桂涵羅思舉

等在老鴉口馬應國劉健標劉彪等在羊耳壩

李應元等帶兵在日連堙扼截又派祝廷彪顧

應全帶兵前赴靈通觀進剿飛飭各鎮將嚴密

兜圍不可令其竄越陝省再楊遇春等帶兵在

卷之三十一

斑鳩關劉瑞等在南天門一帶均能認真防堵

臣帶領馬步兵勇在城口一帶策應諒該逆等

不能竄陝再據田朝貴稟報都司龍必達等在

道溝老林搜捕殺賊一名生擒一名把總向貴

在老君洞老林搜捕殺賊二名生擒四名又拏

獲假充教匪殺人搶奪之賊匪五名又據豐紳

咨報都司葛天培通判劉星渠在迪江地方搜



獲零匪一名均經訊明正法又據總兵馬瑜稟  
報都司史定川前在斑竹園剿散之匪祇剩十  
四五人竄赴雲陽屬香坪大茅田一帶都司周  
志林所追前竄圍城之二十餘賊今祇有十餘  
人向青灣子逃遁現均緊跟追剿其湖北房屬  
零匪二十餘人昨竄老木孔後知川界邊防嚴  
密復行折回經遊擊姜元祥追剿殲斃三名生

擒一名又被寨勇擒獲一名餘匪折向雲霧溪  
有副將呢瑪善帶兵追剿又據提督楊遇春咨  
稱副將閻俊烈跟追遁入川境之賊該匪現向  
兩扇門一帶逃遁閻俊烈於十四日由紅岩寨  
前進遏其北竄之路令守備齊慎帶兵勇四百  
名由三合寨偵蹤截擊又據臬司劉清副將羅  
思舉來稟探得開屬螞蝗碕水溝等處有零匪

十餘人分兵剿捕守備王學闈等生擒賊匪四名殺斃二名趙琴生擒賊匪五名殺斃一名

臣

已飛飭該臬司等訊問錄供以憑核辦再查南山竄出餘匪據此次獲犯供稱有曾充鄉勇之人在內此輩數載以來皆隨同官兵殺賊効力著有微勞計戡定後三省裁撤不下二萬餘衆均皆循分歸業各謀生計今此百餘人忽流而

爲匪其中或另有他故亦未可定若不分皂白  
概予誅戮似非所以仰體我

皇上好生大德臣現繕簡明諭帖愷切曉示以爾等

附和賊黨必有他故或原帶官兵素日剋扣或

遣散時該地方官短發賞項俱准其來營訴明

申理屈抑如執迷不悟則必概予誅戮已分派

能事鄉勇分投曉諭臣仍一面督催各鎮將上

緊追剿并嚴飭陝省弁兵加意堵禦勿任鬆勁

奏入

上命軍機大臣傳諭德楞泰曰川境竄匪前據德楞  
泰等奏稱分路兜圍設伏截擊自應迅速掃除今  
據奏該匪等深匿白筍坪於十六十七兩日雨雪  
交加陰霧甚大官兵未能得手該匪於十八日乘  
雪霧瀰漫溜崖潛逸午後霧開田朝貴帶兵勇兜

集三卷之三  
二六

截馬應國帶兵趕剿等語近日各路鎮將大率因  
餘匪無多均不免意存鬆懈看來此次竄匪必係  
田朝貴等圍堵不嚴致令逸出是以該鎮將惟恐  
獲咎卽行帶兵兜截情節顯然何以德楞泰並不  
據實叅奏從前剿辦數年每遇冬令賊匪卽竄匿  
山林間開春以後又任四出滋擾今肅清久報零  
匪祇此二百餘人若不嚴行督催示以懲創必至

又如前數年散而復聚成何事體著德楞泰卽將

此次餘匪竄走係由何人帶兵圍捕處所逸出查

明參奏卽責成該員速將此起竄匪尅期辦盡如

能依限掃蕩尙可將功折罪設再有遲逾卽當嚴

行治罪現據奏稱該匪等竄至川陝交界之老林

中猴子嶺一帶四面皆陡壁懸崖只有羊腸小路

東西南三面可通陝西已派令田朝貴等分投圍

剿似已嚴密德楞泰當嚴飭各鎮將亟當乘此擊  
剿淨盡如再稍有疎縱致該匪復行竄出則惟該  
鎮將等是問此時該省防剿兵勇不下三萬但此  
時剿剩黠賊若不迅速剷除或致別有勾結辦理  
更形棘手現在額勒登保業已起身還朝惟德楞  
泰一人統領師旅務須督率官兵仍前奮勉各行  
上緊搜捕期於歲內務臻完善果能如期奏報尙



當子以恩施設辦理稍有稽緩年內不能捕盡或  
致來春仍有零匪出沒奔竄勢必須派額勒登保  
重來督剿卽額勒登保在京聞知零匪未完亦必  
懇請前往彼時德楞泰尙有何顏對朕耶不可不  
勉之又勉也再據奏此次獲犯供稱卽有乘空要  
回陝西南山之語恐該匪等被剿情急又圖竄入  
南山更形費力德楞泰當飭知各路營卡嚴行防

範務使就地殲除毋令竄至陝省或闖入楚境爲  
要其楊遇春一路零匪亦著飭催辦竣又據奏此  
起零匪內有曾充鄉勇之人德楞泰以此輩皆著  
有微勞未便卽予駢誅其中或另有他故現已繕  
發告示諭令來營訴明情節此等散遣鄉勇從前  
隨營打仗出力自屬良民今業已從賊抗拒官兵  
卽爲叛逆罪應誅戮不得因其前有微勞遂從寬

宥卽查州縣等果有剋扣等弊祇當一面將地方  
官叅辦亦不能末減該鄉勇等叛逆罪名總之實  
在悔罪投出誠心乞命者卽真正匪黨如張長青  
等猶准貸其一死況曾充鄉勇之人自應量予恩  
貫但德楞泰不可有先存招撫之見稍事姑息惟  
竭力殲除以淨根株至現在留營各鄉勇與從賊  
之鄉勇素皆相識亦不免潛通信息此時額勒登

保旋京及官兵舉動保無賊匪中先已知覺尤關  
緊要德楞泰當通飭帶兵各員嚴密訪查總以速  
行剿竣斬盡葛藤方爲正辦

同日方維甸奏言竊查終南太白罄山綿亘郿  
縣岐山寶雞鳳縣境內與秦嶺相連尤較秦嶺  
險峻零匪等聞知查拏緊急多在各山潛匿屢

經臣札飭文武設法嚴搜茲據通判雒昂侯補

府經歷縣丞徐聯科稟報督令軍功楊蘭杰迺  
至深峪地方遇賊鎗斃一名生擒羅潮兒唐天  
華二名其餘帶傷奔散訊據羅潮兒供稱該犯  
係羅其清之姪鎗斃之賊名喚苟自成係苟文  
明堂叔當卽割取首級又黑溝寨民亦盤獲姚  
之富股內零匪岳正奇一名又據知府龍萬育  
鎮安縣知縣呂朝選稟稱千總楊模把總張環

搜至湘子河竹林內殲斃賊匪三名外委段永

福搜至龍窩梁頂拏獲賊匪劉必良等四名劉

必良係襄陽老賊王第朋牟正國李克魁俱係

四川人皆辛聰等股內餘匪又據商州知州陳

祁等稟報寨員等拏獲零匪一名曾在荷文明

營內充當牙手臣將現獲各犯交臬司朱勳嚴

加審訊如係真正賊匪卽行正法臣查山內自

派委各員查緝以來除前次具奏獲犯之外十  
餘日內又殲擒賊匪多名此外尚有拏獲搶劫  
各案犯二十餘名辦理尙爲認真村寨漸就寧  
謐現仍令各員逐處親搜不使稍留餘孽奏入

上命軍機大臣傳諭方維甸曰南山各峪內經方維  
甸派委文武員弁深入搜捕今據稟報獲犯多名  
且所獲賊內尙有苟文明羅其清親族及川楚初

起老賊詭蹤潛藏俱經躡蹤搜獲並據地方官將  
搶掠各案逸犯陸續緝獲解審所辦尙屬認真地  
方文武各官果能不辭勞瘁實力搜捕山內自無

難日就肅清惟現在川陝邊界所剩之賊尙有二  
百餘名額勒登保回京後專交德楞泰督辦德楞  
泰係成都將軍伊固不敢存畛域之見惟思肅清  
川界不顧陝省但恐賊匪被剿緊急或由川折回



遁入陝境復竄至南山老林則辦理又須費手額  
勒登保現已自陝起程陝省帶兵大員惟楊遇春  
一人尤宜嚴加防範著卽責成方維甸會同提鎮  
嚴飭各營卡凡川境可以通陝路徑俱實力防堵  
毋使德楞泰剿剩零匪致有一名竄入此爲至要

十六日丁丑德楞泰奏言前月二十五日大雪迷

漫猴子寨四面陡壁羊腸細道擁閉無蹤各鎮

將等正在設法探路仰攻詎該逆於二十六日  
晚三更時潛由熊坪溜崖偷竄北走目連堽掌  
被遊擊馬成林營卡知覺鎗礮轟擊奮力截殺  
該逆倚仗自高臨下抵死衝突馬成林等復督  
率步兵用長矛擊刺與賊匪攪殺數次當經獲  
斃四人生擒三名將該逆衝爲兩截一半折轉  
稍礮灣後山老林一半由木廠溝竄進老林中

之茵扒一帶馬成林竭力趕剿臣聞信恐馬成

林兵力稍單飛飭田朝貴桂涵羅思舉等帶兵

赴目連埡向北應接截剿折竄硝硎灣之賊該

逆復乘夜偷越與茵扒老林之賊合夥同鑽入

梓木坪藏匿該處地勢險峻四面皆通陝界臣

飛飭總兵劉瑞在滄水河加意防堵並派叅將

劉健標祝廷彪帶兵勇千餘名前往協同截擊

旋據副將馬應國等稟稱於二十九日探蹤追  
至廟溝見該逆已上刀背梁趕上賊尾射傷賊  
匪數名生擒三名因時已昏黑卽在廟溝暫紮

活賊均解赴大營旋據總兵劉瑞稟報三十日

夜三更時賊匪一二百人乘雪霧迷漫至滄水

河欲撲營卡當經施放鎗礮斃賊四名賊始潰  
散劉瑞復帶兵追襲該逆仍退回界嶺半山藥

扒老林不敢北竄其勢東趨亢河等處等語

臣

已飛飭劉瑞劉建標等緊顧東北截剿斷不可

令其北竄江邊亦不可令其東奔楚境

臣

於各

處獲賊解到後訊據僉供實在陳賊不過三四

十人其餘大半皆是當過鄉勇之人等語將該

逆等均卽正法隨飛飭馬應國等無庸尾追卽

由南天門取道過陝會同劉瑞劉建標等分投

截剿又飛行照會楊遇春將各卡兵力歸集緊  
顧北路江岸迎剿去訖又據副將閻俊烈稟稱  
追剿川陝邊界殘匪在川境大埡山遇賊接仗  
因山勢陡峻未能得手該匪繞道直奔陝境入  
仙河閻俊烈卽趕赴燕子河將賊攔回大埡山  
該逆復從小埡山奔竄閻俊烈帶兵窮追該逆  
已逃入紅岩寨一帶閻俊烈現由光頭山老林

追剿並據閻俊烈差來兵丁稟稱此股賊匪共  
有六七十人內中老賊不過一二十名其餘皆  
係鄉勇及各營落後夫役等語

臣

隨嚴飭該將

上緊搜追以期迅速蕲事又據湖北總兵慶溥  
來稟房境殘孽二三十人經遊擊姜元祥等追  
至龍門壩一帶殲斃賊匪四名餘匪由豐溪潛  
入陝境姜元祥等現在緊躡跟搜喜明亦派兵

協剿等語臣亦卽飛飭該鎮等刻日掃除不可

稍涉觀望再據總兵馬瑜稟稱都司史定川一

路外委王雄英等在夔府鳳仙觀八道河一帶

先後擒獲賊匪八名又兵丁李萬有在老木孔

盤獲賊匪一名均訊明分別辦理又據臬司劉

清等稟報都司趙琴在開縣搜獲賊匪三名亦

經訊明核辦又查南山零逆一二百人出朝貴



一路官兵輾轉窮追總未辦竣臣恐其中或另

有掣肘之處是以臣於二十九日趕至空河田

朝貴營內該營前敵兵勇俱向臣痛哭訴苦臣

查看該兵勇尙是夏季單衣不能禦寒日大半

跣足詢知各營原製有冬衣軍裝運送前來實

因入冬雨雪連綿老林路遠無從趕及卽糧米

亦不能時至臣見此情形深爲憫惻當卽趕緊

將賞需項下裝造棉袄三百件布鞋五百雙中

衣二百條擇其實在單寒兵勇畧爲分給其馬

瑜一隊官兵本在川東邊界茲因聞閻俊烈所

追之賊折竄陝界馬瑜亦探剿前來

臣察看此

隊兵丁冬衣尙無短缺至鄉勇棉襖則係該鎮

等自行捐備齊整

臣

思田朝貴一路兵勇必須

稍爲整頓方能剿賊且現在南山零逆已入陝

境出朝貴向來總在川省剿賊從未出疆陝楚  
兩省道路情形皆非熟諳其所帶鄉勇居多今  
此股賊匪內大半卽係鄉勇恐臨陣稍有觀望  
於事無益馬瑜本係臣營務翼長素得軍心數

年以來往來三省於陝楚情形皆能熟悉其所  
帶本係陳兵可以得力自應酌量改撥臣現卽

督率馬瑜及副將馬元張應貴馬應國等赴陝

追剿其田朝貴原帶兵勇二千餘名臣酌量抽

帶數百名其餘均令馳回川東搜捕並飛催各

營軍裝迅速解往應用其閻俊烈所追之賊現

在川陝交界紅岩寨地方遊奕已就近札飭桂

涵羅思舉帶兵向兩扇門取道迎擊並令田朝

貴順道探剿至臣現在督兵過陝已飛行知會

楊遇春從斑鳩關帶兵自北面緊顧江岸迎剿

並札飭王兆夢自八仙河探蹤前來總不使該  
逆竄入南山致辦理又形棘手奏入

上命軍機大臣傳諭德楞泰勒保曰上年大功將次  
告蒞朕卽慮鄉勇一項於裁撤後或復行滋事再  
三諄諭各督撫妥爲安插今賊夥內陳賊祇三四  
十人其餘皆係鄉勇可見該地方官於安插一事  
竟屬陽奉陰違未嘗認真經理該鄉勇等本有身

家者散遣歸農原可各安生理其無業之徒卽官  
爲賞給到手隨卽花費迨餬口無資勢必復思搶  
掠况不肖官吏或將伊等應領之項從中侵扣私  
肥已橐亦屬事之所有是鄉勇等流而爲匪皆由  
地方官不能妥爲安插所致茲伊等旣已從賊卽  
當與賊一律剿辦惟各路鄉勇尙未盡撤德楞泰  
於帶兵搜捕時不可將賊中半係鄉勇遽爲宣露

以致隨征鄉勇轉生疑懼其有自賊中棄械來投者詢明果係賊夥轉不妨卽行開釋予以安插如詢係曾充鄉勇之人卽告以爾等曾隨官兵剿賊今轉去而從賊知法犯法罪在不赦本應立正典刑因皇上念爾等從前隨營或臨陣打仗或分卡防堵著有微勞特於法無可貸之中寬其一死於詢明後卽行發遣不可姑息容留內地並當向其

追問係何處鄉勇地方官曾否安插及因何從賊緣由澈底根究如查有尅扣資給銀兩等弊德楞泰務卽會同勒保從嚴叅辦卽此項餘匪刻日肅清亦應澈底查究不可因軍務完竣稍有姑息至摺內稱德楞泰於前月二十九日趕至空河田朝貴營內該營前敵兵勇俱向痛哭訴苦查看該兵勇尙是夏季單衣不能禦寒且大半跣足等語披



閱之下朕心深爲憫惻各營冬衣軍裝等項原應

源源運供庶搜捕不致掣肘乃田朝貴帶領兵勇

三千餘名際此冰雪嚴凝之候半係跣足單衫試

思官兵衣履尙不能禦寒如何責令追剿賊匪無

怪乎田朝貴現領多兵辦此百十殘匪日久總未

掃滅其運送遲悞之員必須查明叅辦田朝貴係

帶兵大員旣目擊部下兵丁寒苦情形亦應早行

稟知經畧叅贊妥爲籌辦何以直待德楞泰前赴  
該營查看始據兵丁等當面訴告乎着德楞泰會  
同勒保卽將此一路承辦軍需之員查明嚴叅並  
將田朝貴不及早稟知之處一併叅奏至此項兵  
丁如此辛苦並無逃亡等事尙知大義深堪嘉獎  
除德楞泰業于賞需銀內製造棉襖中衣布鞋等  
件分給兵勇外着再於賞項內添備衣履普賞該

營以示體卹其馬瑜一路兵勇棉衣據稱該鎮俱  
捐辦齊整既係自行捐備恐該營軍裝亦必尙有  
未敷並著酌加賞給仍查明辦理此一路軍需之  
員如有貽悞一併叅奏再據德楞泰稱田朝貴一  
路兵丁並未到過陝楚是此項供支總係四川局  
員承應勒保身任總督於遣散鄉勇旣未能飭屬  
留心妥爲安頓復致流而爲匪其資送軍裝支給

糧餉又不能隨時運供源源接濟以致兵丁衣履不全禦寒無具而勒保尙毫無聞見所需兵餉祇知東移西借並不能實力籌辦又不將餉項不敷情形早行奏請撥給看來勒保因大功告蕝餘匪無多遂未免心存懈弛勒保着傳旨嚴行申飭現在賊匪竄至陝界之亢河一帶德楞泰已札知楊遇春王兆夢等兩面迎剿務須上緊趕辦就地蕝

除斷不可再任賊匪竄入南山或闌入楚省以致  
辦理又形費手如能於年內廓清地方早臻寧謐  
卽由五百里馳奏德楞泰等尙可仰邀懋賞勉之  
望之

十八日

巳卯

吳熊光奏言

臣

竊照楚省境內自前

月下旬至今屢經督飭鎮將往來窮搜據稟並  
無賊蹤卽沿邊各州縣亦稱地方寧靜但楚省

西南一帶俱與川陝連界險隘頗多恐官兵憚

於深入輒以無賊搪塞

臣

現在責令再行排搜

至副將呢瑪善原截川楚邊界零匪二十餘名

因官兵緊躡追截總由沿邊老林向西狂奔直

趨陝界經陝省防邊總兵喜明派兵迎截擒獲

賊匪五名該匪折向川境南趨四散潰逃現經

呢瑪善會同喜明派出官兵在彼搜捕

臣

思該

處係川陝楚三省交界之地刻下探報川省太

平賊匪有趨大寧之勢楚省二竹等處在在與

大寧毗連防堵尤宜嚴密臣飛飭呢瑪善卽在

該處界外會同排搜一面確探川匪如有東竄

信息立卽帶兵迎截以剿爲堵現在提臣慶成

已赴歸巴一帶督率防範臣復札囑慶成並總

兵慶溥李天林吉林泰等密向沿邊差探加緊

嚴防勿稍鬆勁奏入

上命軍機大臣傳諭吳熊光曰此次呢瑪善會同陝  
省防邊總兵喜明搜捕零匪又擒獲五名據稱楚  
省西南一帶經各鎮將通行排搜實已無賊惟探

報川省太平賊匪有東趨大寧之勢二竹等處地  
界毗連現在囑慶成及慶溥李天林等在沿邊差  
探加緊嚴防昨據德楞泰奏南山竄出零匪一二



百人竄至陝省之亢河一帶德楞泰上緊趕辦恐  
賊匪被剿緊急具剿散之匪又復零星東竄楚境  
吳熊光應飭令各將領嚴密防範勿任一名闖入  
倘防禦稍疎致川匪又竄入楚境不特專司防堵  
之員從嚴治罪卽吳熊光亦不能辭咎

二十日

辛巳

方維甸奏言現在南山匪徒因查拏

緊急不敢肆出滋擾惟在雪深山險之處潛藏

延喘臣仍嚴飭各路文武認真躡緝茲據漁渡

營都司張俊定遠廳同知嚴如煜稟稱回軍寨

山梁有川省竄來零匪二十餘名當經分派營

兵民壯並令簡池壩巡檢馮懋功傳集寨勇殺

死賊匪五名生擒賊匪二名又寧夏鎮總兵汪

啟咨報通巴零匪十九人竄至陶家洞地方當

派把總陸安邦帶兵前往迎截並有四川臬司

劉清所派鄉勇亦卽跟追入陝兵勇等斃賊二

名其餘十七名全行就獲所有擒獲之賊解回

川省由該臬司審明辦理再南山內前獲之王

士朋一名劉必良等四名及盤獲之岳正奇一

名現據臬司朱勳解審前來

臣親提訊問內王

士朋等四名供認在賊營充當矛手殺人搶掠

臣

於審明後恭請

王命正法其岳正奇等二犯因無家業可歸隨同零

匪在山內掠食亦未便卽照畏脅例釋放應請

旨發往新疆給厄魯特為奴以示懲儆再額勒登保

西安起程進京時除將所帶官兵分別留營凱

撤外其應行遣撤鄉勇片已札飭陝安道德明

額會同副將唐文淑妥為照料務卽送回原籍

安插得所毋使逗遛滋事奏入

上命軍機大臣傳諭方維甸曰鄉勇一項雖據稱資

送回籍安插得所恐係紙上空談未可盡信如遣

散鄉勇果能不令失所何至前日德楞泰所奏賊

夥內大半俱屬鄉勇朕於上年大局戡定時卽慮

及散遣之鄉勇難以安插前聞陝省鄉勇於裁撤

時俱不肯回里又不願入伍當差恐受鈐束並聲

稱如欲裁撤伊等必須厚爲資給彼時臬司朱勳

承辦此事會捐廉每名賞給銀三十兩令其歸里  
別處鄉勇聞知俱求仿照辦理甚至有到手花盡  
不數日有復來營者似此無厭之求焉能飽其所  
欲總在地方官安插得宜庶可潛消不靖並非全  
仗帶兵大員往返搜捕著方維甸飭令地方各員  
於散遣之鄉勇妥爲安置並隨時管約有犯必懲  
務使散處毋任聚集一處或致滋生事端因思鄉

勇之桀驁不馴皆由營員平日武備廢弛偶有竊  
發動輒圍集鄉勇又不能約束鈐制遂使鄉勇等  
心存玩視無所忌憚國家設兵衛民原不可一日  
不加整飭此時全功告蕨兵丁大半撤令歸伍正  
可隨時習練俾技藝精嫻各成勁旅不獨鄉勇知  
所畏懾卽地方偶有徵調之事更足以資捍禦亦  
無庸藉團練之力矣該撫當督率各營將領加意

整頓營伍不得稍有弛懈爲要

二十四日 乙酉 吳熊光奏言 臣查川匪現竄安康

疊飭竹谿竹山二縣糾集義勇嚴堵並飛飭

瑪善速自楚省卽在竹谿西面邊界駐紮防守

又派副將蔣觀濤都司麻光裕各帶兵勇分赴

西路刻據竹谿縣徐如灝探報自川折入安康

之賊約有二三百人執持大小紅旗裝作官兵



現由安康之九河竄至平利之九個凸毛家溝

一帶育東趨之勢德楞泰現駐太平之城口聞

命有入陝追剿信息副將呢瑪善已帶兵回至該

縣邊界等語臣查平利緊接竹谿該匪相距楚

界僅有一百餘里臣又飛飭慶溥呢瑪善等確

探賊蹤併力堵截以冀與川陝官兵三向夾擊

就近掃除奏入

上命軍機大臣傳諭吳熊光曰安康零匪前據德楞  
泰奏報約有二百餘人其中大半皆係鄉勇該匪  
等充當鄉勇時於軍營情形及各處往來道里素  
所熟悉吳熊光現飭鎮將確探賊蹤併力堵截勿  
令一名闖入如能截回陝省尚屬伊等之功倘疎  
于防範竟任賊匪竄入卽將該處帶兵將弁查明  
嚴叅究辦此時德楞泰在城口追捕吳熊光應嚴

飭鎮將上緊堵禦務截住賊匪去路以伊德楞泰  
從後趕剿自更易於殲滅也

二十六日丁亥德楞泰奏言臣於初四日移營督

同馬瑜等翻南天門入陝途次據總兵劉瑞稟

報該匪於初六日已向曹家堽奔竄劉瑞帶兵

前往兵抵曹家堽該匪先已搶佔後山老林憑

高下壓官兵鼓勇搶上將賊逼上山頂斃賊二

名守備齊慎射死頭戴翎頂賊目一名該匪竄入黑溝老林乘夜由雞公寨奔瓦脊溝毛家溝擾至孟石嶺旋據總兵王兆夢叅將劉健標祝

廷彪等稟報該鎮等駐紮支河口殺賊二名該

逆旋據孟石嶺由後面金家山壓下將該處坐卡汛兵衝散殺害四名放火焚燒衙署兵房各

四間仍竄入毛家溝各等情

臣

一面飛飭王兆

夢劉瑞等繫顧東北決一刺一面督兵趨行初十日趕抵平利屬之格草河探得該逆屯於老林內橫山大梁半山之梁家灣相距只有五六十里是日風雪交作於二更後冒險進攻派總兵馬瑜帶同副將張應貴吳廷剛遊擊劉彪張紹新都司彭家棟高星文瞿心能史定川守備謝金章等由八義寨油房溝獐廳崖而進

臣親督

副將馬元馬應國叅將哈豐阿遊擊劉廷斌都  
司江萬里何化龍守備張萬林等由兩河口雙

合寨茅坡前進四山雪光照耀恍同白日五更  
時齊抵橫山大梁遂各步行前進當有賊匪數

十人挺矛撲上我兵一見齊力衝殺斃賊十餘  
名生擒二名賊衆沿途吶喊至獐子坪忽又有  
賊百餘人突出其後又復吶喊前賊遂折回反

撲馬元張應貴馬應國彭家棟高星文史定川

謝金章張萬林等見賊勢兇悍心懷忿恨各脫

皮袍提刀帶兵衝入賊隊攪殺一處馬元張應

貴馬應國等手刃賊匪十餘名忽被旁賊衝出

張應貴彭家棟均被矛傷陣亡弁兵鄉勇內亦

有傷亡者十餘名賊匪奔上陡崖迨臣督兵繼

至崖上飛石如雨屢攻不上相持至晚兵勇疲

乏勢難再進當將擒獲各犯訊明供詞卽行正  
法賊匪現由清水河竄上大茅坡屯於東多羅  
河查東多羅河左通白土關右走沓河中路可  
通太平河八角廟均係三省連界之區王兆夢  
劉瑞現帶兵勇二千餘名又楊遇春撥添河州  
兵二千餘名共有兵勇三千餘名喜明現有兵  
勇八百餘名已均令其緊顧東北堵剿該逆不



能竄越臣督同馬瑜緊躡跟追諒亦易於集事

至各處搜捕零匪近據豐紳咨報遊擊畢萬年

右杜家坪老林內搜獲賊匪二名遊擊蕭太和

都司沈文同等在景家溝地方搜獲零匪二名

又據臬司劉清等稟報遊擊張拱辰在草廟子

搜獲零匪一名又據寧陝鎮總兵楊芳稟報委

員應先杰等率同官兵寨勇在束腰竹溝林內

殲斃賊匪二名又據總兵喜明稟報遊擊楊得  
陞會同楚境界嶺營卡守備楊儒在水岔一帶

擒獲賊匪一名殺斃一名所有活賊均經訊明

辦理再據總兵喜明報稱閻俊烈桂涵羅思舉

等所追零匪六七十名已至川陝交界之竹橋

河閻俊烈等緊躡追剿田朝貴因川東無賊亦

帶兵前來協剿於十二日抵老鴉舖喜明又派

遊擊璩嘉驥帶兵三百名前往協剿再湖北遊

擊姜元祥追剿零匪二三十名現已竄至陝西

界上之楊道士溝喜明派把總馬斌帶兵百餘

名前往迎剿臣又飛飭王兆夢一路挑派都守

一員帶兵二三百名前往現在三省賊情惟陝

西稍重而楊遇春現又傷發不能帶兵臣應暫

在陝省界上督同各路鎮將趕緊剿辦以期將

此三股零匪辦竣肅清陝境

德楞泰又奏言

臣

前訊據獲犯供詞賊夥內有

大半當過鄉勇之人恐有受屈激變之事遂繕

簡明諭帖令隨征鄉勇持往曉諭乃此次

臣

督

兵在橫山大梁乘夜襲剿我兵正當得手之際

臣

在山梁策應瞥見前敵旗幟不動其時總兵

馬瑜副將馬元張應貴馬應國都司彭家棟高

星文史定川守備謝金章等卽解去搨袋脫下  
皮袍持腰刀督率官兵首先衝入賊隊賊退踞  
上巖坎副將張應貴等復衝上巖口力戰而前隊  
鄉勇並未接續前進遂致張應貴彭家棟受傷  
陣亡弁兵同時陣亡者有二十餘名馬瑜帶兵  
前進力難攻取查臣一路現帶鄉勇共七百餘  
名內有由苗疆而來者亦有二三年間充當者

素極奮勇此次何以袖手不動實爲詫異隨卽  
嚴查旋據前敵陣陣得勝旗如意旗花蜈蚣旗  
三營鄉勇千把軍功首領等率領各隊鄉勇來  
營跪稟我們受

皇上的天恩侯爺的教訓今日原要拼死打仗不想  
接仗時看見多是各路同常過鄉勇結拜的弟  
兄以及朋友親戚並不是賊他們說是受了冤

屈只要報仇大家就散並不敢與官兵打仗聽  
了他們這話不覺心酸手軟他們原喊說德侯  
爺的恩典重衆人不要動手那張大老爺彭總  
爺們帶兵緊催殺了他們幾個人賊總動手傷  
害的只求侯爺施恩小的們情願進去叫出他  
們來查明被屈根由求侯爺替他伸冤就可保  
全我們鄉勇臉面若他們不從我們三營的鄉

勇總要把他們殺個淨盡只求賞發諭帖前去

等語長跪叩求痛哭不起臣查鄉勇等觀望不

前萬分可惡卽當盡按軍法嚴辦但思人數過

多法難及衆如過於嚴峻又恐激成事端況現

據獲犯供稱此起二百六七十人內陳賊實祇

二三十人其餘多是各營鄉勇又查三省鄉勇

裁撤者不下三四十萬卽釐定以後裁撤者亦



有三四萬其中無賴不少而現在臣一路尚有

七百多名此外各營鄉勇約計不下四五千名

恐衆人疑而生變實於軍務有碍再該逆所稱

冤枉之處臣前此亦有聽聞並未得其確切如

果受屈情真則是激變釀事尙非從逆可比自

當招令前來伸訴雪其沉寃免致勾結煽惑各

路軍心亦可釋然鎮定是以臣當卽剴切曉諭

念爾等隨征出力多年如一概駢誅於心不忍  
姑准爾等所請隨詳繕諭帖令將所稱冤枉之  
處令其指出代爲究辦該三營鄉勇藍翎千總  
魏忠才等當領諭帖歡欣而去伏查三省遣撤  
鄉勇一節自五六年以來屢蒙

皇上

諄諄告誡無微不至

睿筭深遠果不出

聖明洞鑒之中

臣

實深感服之至此

臣

不敢逞一

時之忿致碍大事只得將計就計該逆如果負

屈情真撫之固宜如或假捏不從或將魏忠才

等戕害則必結怨於衆使已撤未撤各鄉勇心

口了然彼時再爲盡絕根株自無他怨此時無

論剿撫均係

臣

專責唯期設法籌辦不致稍有

欽定四庫全書  
卷之三十三  
欽定四庫全書  
欽定四庫全書

僨事冀以仰副

委任

德楞泰又奏言查楊遇春因冒雪追賊墜馬傷

重不能帶兵應令其回籍調養守制但陝省不

但零匪未淨卽應留應撤官兵尙有萬餘名雖

經額勒登保辦定章程實不可無大員統領揚

遇春亦斷不肯因微傷卽思息肩是以

臣

仍令

其在斑鳩關安心調養督飭各路鎮將搜捕零

匪堵剿北面又臣本標中軍副將馬應國稟報

現丁父憂例應回籍守制查馬應國自苗疆隨

臣一路帶兵打仗最爲得力此時賊情狡猾正

須出力可靠大員應請

旨飭令馬應國暫留軍營帶兵俟此股零匪完竣再

令回籍終制均奏入

上命軍機大臣傳諭德楞泰曰德楞泰奏於平利地

方帶兵時前敵鄉勇見賊袖手不動並來營代訴

從賊鄉勇受屈情由求發諭帖前往招撫等語此

事殊關緊要自剿辦教匪以來朕早慮及歲功後

安插鄉勇殊不易節次降旨令各督撫妥爲辦

理今零匪三百餘人內鄉勇居其大半而隨征之

鄉勇又復互相觀望漸成尾大不掉之勢實爲可

惡伊等來營申訴之語不過爲伊夥黨飾詞緩死  
全不足信卽如該勇等旣稱賊中鄉勇喊說德侯  
翁恩典狠重不要動手旣如此何不赴營陳訴何  
以又敢將副將都司大員戕害其所稱受屈報仇  
之語究竟所屈何事欲報何仇毫無指據此等不  
逞之徒膽敢戕害帶兵大員其罪固在不赦卽隨  
征鄉勇觀望不前有心挾制官兵若按照軍法亦

當一體懲治德楞泰以各路軍營鄉勇尚有未盡  
裁撤者恐其激而生變現已發給諭帖卽令情願  
前往賊中之鄉勇藍翎魏忠才等持去祇係暫時  
權宜辦法魏忠才去後逆匪等竟將伊等殺害不  
肯投首則其悖逆顯然正可激勵各鄉勇以伊等  
全不顧弟兄親友情誼甘心叛逆爾等均係爲國  
出力義勇亟宜殲此餘孽渥受恩賞倘竟受撫來



營亦不能概行寬釋其中戕害副將都司者必須

令其據實指出明正典刑此外兇悍助惡者均當

發遣其餘或暫爲羈縻但終係反側之徒全不可

信卽現在隨征鄉勇在前敵者不但互相觀望甚

至與逆匪彼此交言且公然向軍營申訴其桀驁

不馴已可概見此項鄉勇合計尙有四五千入卽

剿捕完竣後散遣亦頗不易此內如有願回鄉里

自謀衣食者固屬甚善倘不願散歸若勉強從事

勒令遣回伊等仍恐聚集爲患此事專交德楞泰

籌畫萬全不可激變釀事亦不可姑息養奸如不

能散遣應如何設法安置鈐束勿令滋生事端詳

悉妥議具奏再摺內稱該逆冤枉之處前此亦有

聽聞一節德楞泰旣有所聞自應迅卽訪查確切

奏聞究辦何以屢次奏章竟無一字提及著卽詳

細根究如實係地方文武有剋扣凌虐情弊自當

加以懲創但此時不可輕長刁風統於事後再將

該員等嚴行叅辦可也又據奏楊遇春因傷不能

帶兵請令在斑鳩關安心調養藉以堵剿北面自

應如此辦理其丁憂之副將馬應國著照所請照

例開缺暫留軍營搜捕俟零匪辦竣再令回籍所

有陣亡之副將張應貴都司彭家棟手刃賊匪致

身之... 卷之三  
被戕害殊爲可惜着加一等咨部賜卹其陣亡之  
弁兵鄉勇等並着咨部照例卹賞

上命軍機大臣傳諭方維甸曰德楞泰奏親督總兵  
馬瑜帶同副將張應貴都司彭家棟等追賊至橫  
山大梁雪夜襲剿衝鋒前進忽前敵鄉勇袖手不  
動賊匪踞巖下壓以致張應貴彭家棟身受矛傷  
陣亡旋據前營三旗鄉勇千把軍功首領魏忠才

等來營跪稟接仗時看見多是同當過鄉勇的弟

兄親友說是受了冤屈只要報了仇大家就散是

以不肯動手情願求領諭帖進去叫他們出來伸

冤德楞泰因鄉勇人多恐激變釀事從權辦理頒

給諭帖令該鄉勇魏忠才等持往招諭看此情形

實爲可恨除另降諭旨令德楞泰查訊該鄉勇等

有何冤抑並熟籌妥辦外現在三省賊情惟陝省

稍重德楞泰督飭各路鎮將在陝省邊界上往來  
搜捕兵勇雲集糧餉尤關緊要方維甸應督飭局  
員妥爲供應務期源源接濟毋令稍有缺悞至鄉  
勇一項現在竟有挾制官兵之意德楞泰令魏忠  
才等持帖往諭該匪等固未必相率投誠卽使竟  
從招撫而此等桀驁狡黠之徒亦難保其不再生  
反側且不獨此數百人未可盡信卽現在隨征之

鄉勇四五千入散之甚難尤須預籌萬全以資控制並著方維甸體察情形現在數千鄉勇是否盡行散遣如竟難卽時散歸應如何設法安置鈐束不令聚集滋事之處該撫如有所見卽行詳悉具奏總期不致激而生變亦不致姑息養奸方爲妥善

二十七日

戊子

上命軍機大臣傳諭德楞泰曰本日召見額勒登保

朕面加詢問據稱伊前在軍營時卽聞鄉勇等因

散遣時得項較少未遂所欲或窮而無歸不免心

生觖望此外實別無抱屈之事至逆匪等臨陣揚

言或希圖緩我官兵進剿得以占地設伏遂其詭

計或藉以搖惑從征鄉勇之心總之該匪等旣經

從逆膽敢戕害帶兵大員自當嚴行懲辦不可稍



存姑息致長刁風等語該鄉勇等若果祇因得項

較少心懷屈抑則尙屬易辦德楞泰現已遣令魏

忠才等持諭開導如該匪等不肯投首或將魏忠

才等殺害則叛逆顯然正可激勵留營鄉勇共矢

同仇盡殲餘孽倘竟受撫來營亦不能概從寬宥

務將此次戕害副將都司各逆首諭令據實指出

明正典刑試思尋常殺人案犯律當問擬抵償况

臨陣戕害大員尤罪在不放乎此外寬悍助惡者

亦應查出數人發遣其餘歸入現在隨征鄉勇內

妥爲散遣現據額勒登保奏稱德楞泰所帶鄉勇

約九百餘人此外楊遇春帶領者約一千數百人

川楚兩省亦尙有一千七八百人均係分撥巡防

有鄉勇之處卽有官兵兵數皆多於勇並稱鄉勇

中情願入伍者不少此等留營鄉勇均與逆匪等

素相熟識若目下遽行散遣恐被勾結入夥自當  
暫緩裁撤統俟事竣後擇其情願入伍者分發各  
標營當差其餘不願入伍之人酌量優給行貲俾  
歸鄉里着德楞泰查照妥辦至此次在橫山大梁  
前敵鄉勇觀望不前甚至與逆匪交談代爲申訴  
心懷挾制殊屬不法事定後亦當查明數人照軍  
法從事俾知儆畏再現留軍營官兵據額勒登保

稱均極得力德楞泰帶兵剿辦時何不派令官兵

向前敵衝鋒而以從征之鄉勇派在後隊策應庶

不致臨陣觀望有誤軍機現在川陝邊界祇此零

孽二百餘人德楞泰務當速行殲淨毋再延緩今

已屆年節轉瞬春融如德楞泰稍存鬆懈或遲至

兩三月未能辦盡彼時祇可仍令額勒登保前往

督辦則德楞泰又有何顏該將軍總應尅期儻辦

詳悉妥籌以靖地方而弭後患爲要

二十九日

庚寅

方維甸奏言

臣

查陝境東西將及

二千里道路綿長定遠一廳三面皆臨川境其

餘各縣與川省地界犬牙交錯若防兵株守段

落巡察難周昨接提臣楊遇春札稱酌將防兵

歸整擇適中扼要之地及江岸七星壩一帶安

設並抽調防兵內三千名分作三隊爲剿兵商

令總兵劉瑞喜明副將劉管城往來截剿其龍

池場迤西一帶另備剿兵以防賊匪折向西竄

臣

查楊遇春籌辦得當應照此辦理再南山零

匪據署洋縣知縣李晶盤獲一名蓋屋縣知縣

盖方泌盤獲一名寧陝鎮遊擊林向榮盤獲二

名把總董光明盤獲一名

臣

均批交臬司朱勳

覆加查訊分別辦理奏入報

聞